



資治新書二集



			五	漢
		一	書	
		四	門	
		九		
二	四	六	八	
冊	架	函	號	類

內閣文庫			
漢	5158		
冊數	24	(12)	
函號	297	28	



資治新書二集卷之二目次

文移部

錢糧七 議折色

顏料折色議

覆按院條陳之一

錢糧八 議加徵

覆按院條陳之一

錢糧九 科派

勾補匠班回詳

查覆科派廳夫銀兩

淺草

席竺來

周宿來


周宿來

袁輔宸

袁輔宸

資治新書二集卷之二目

木子園



錢糧十 議協

協濟東省錢糧事

周櫟園

錢糧十一 議幫貼

議停牧丁幫貼詳

顏澹叟

錢糧十二 查完欠

一條鞭議

袁輔宸

改革徵糧等事

姚六庚

劣衿抗糧等事

紀子湘

行紹興府各屬牌

王且復

錢糧十三 治欺隱

詳覆變產等事

周宿來

詞訟一 審欽件

飭行案件

佟壽民

請定推官值季詳文

謝傅公

詞訟二 慎招詳

仰按察司通飭各府

郎一柱

詞訟三 嚴聽斷

嚴飭聽訟

祖漢若

諭准屬官吏

蔡魁吾

詞訟四 禁差擾

諭各屬佐貳等官

蔡魁吾

詞訟五 催完結

牌行各縣

周樸園

通飭各屬

佟壽民

申飭通省

李含馨

新增 人命條議五款 入詞訟五

李毅可

資治新書二集卷之二

湖上笠翁李

漁菟輯

婿沈心友 因訂

錢糧七 議折

顏料折色議

溫處 席竺來 諱成寧人

切惟顏料本色各府有之而額派多寡大有不均處
州以浙省之未屬而獨當寧紹台金溫五府之半前
此猶屬藩司彙解自十三年以後各府自委解官採
辦解運此一官者以一身而任數千金之重登山涉
水遠冒不虞未辦則可憂在銀既辦則可憂在料况
處州府首領止有一員其餘所屬六縣無丞又不若

他府之多而可選方其資銀採買道路時憂叵測幸而運解到京費用又苦難支此處屬之第一困也伏讀

先皇遺詔深以經營造作為輪臺之大悔計今此項本色當不復用若得一槩折銀當益軍需一二百萬然此國儲大計非下吏所敢妄言今止就處言處懇乞憲臺憫其物土之毛實無一有額派之數獨重他州特題改折或每歲徵銀解司仍從舊例實為窮山再造之年也

覆按院條陳之一

周宿來

一秋糧折價不定處屬萬山層疊架石作田因方為珪過圓成壁尺尺寸寸累黍積基所以產米不多每常告糴溫部抑且峭壁懸岬舟車路絕即使農有餘粟萬無山頂行船之理從古各項錢糧止徵折色起解自順治十二三年間忽有本折糧米各半起解之議彼時部中概指全浙而言不暇獨詳處州形勢假令照徹幽遐必當預為扣郵矣若使處屬十縣必須運米至省自非巨靈擘畫斷難神運鬼輸一時士民持類號呼有司奔走乞命幸得仍歸改折然議折雖定而折價不定十三年初判二兩四錢後漸減至一

兩四錢十四年初判一兩二錢後漸減至一兩懇乞
老大人試察前多後少之間文移往來不知擔閣幾
許時日從中調劑不知銷費多少精神且使不肖有
司好惡胥憲得以伸縮其間釐亂其際且每歲開徵
之始必先以仍用本色誑惑鄉愚此最害之大者莫
若較數歲之荒歉酌米價之高低判定若干永為遵
守不必歲有游移庶軍民兩無爭執此實便民之一
端也

錢糧八 議加徵

覆按悅條陳之一

處州同宿來 譚茂源
華亭人

一顏料加徵太重 朝廷任土作貢並未嘗責人以
難得之貨不產之毛查處屬舊制顏料折銀六千餘
兩各縣徵比解司總在條鞭之數自十二年間初議
改折柴加一倍是也驟增銀六千餘兩矣又水角銀
硃石青等項務求本色殆又數倍原價而不止也今
十四年分復奉司文照時估價如黃蠟原折一錢二
分者初加一倍為二錢四分今估價四錢八分芽茶
原折每斤六分者初加一倍為一錢二分今估價二
錢六分生漆原折價一錢者初加一倍為二錢今估
六錢嚴漆原折價一錢二分初加一倍為二錢四分

者今估價四錢由此類推大率又過倍于初加是處
屬十縣只據顏料一件加賦徑三四倍于舊額全書
矣深知欽奉 敕諭率土皆然然土地之有肥磽猶
人力之有勇怯因其勇怯本來不同所以負任原有
輕重今不問原任之輕重而一概加以以鈞石即勇
者固亦不勝而怯者必致先驅况又在鹿巖厥然待
盡之際乎梧州風景老大人憲節所臨觸目與懷自
然流涕尚堪與浙東西上下諸郡並駕齊鑣否也

錢糧九科派

勾補匠班回詳

浙江 袁輔宸 順天 相

看得匠班一項起自故明舊例于順治八年奉文豁

免順治十五年奉文復徵康熙元年奉文載入考成
各縣徵解不容缺額今據該縣詳稱匠籍逃亡合于
新匠勾補奉憲臺批司查報本司遵查軍民匠籍各
有版籍自我 朝開創以來衛軍改為屯丁然未嘗
于軍籍以外之人責令輓運也今奉徵匠班銀兩仍
應于匠籍徵解若議勾補新匠是不論版籍凡木匠
泥匠石匠以及百工手藝之人皆得指為匠而徵之
夫四民之中工居其一此端一開經承倚為利藪將
不勝其騷擾矣本司何敢擅議每見各縣紛紛呈詳
皆有科徵新匠之議伏新憲臺嚴加批飭以便通行

卷二

十一府七十六州縣一體禁飭其匠班銀兩仍于匠籍中徵解以完考成如有科徵新匠者合照因公科款之條八十兩以上論絞可也

查覆科派廳夫銀兩

袁輔宸

看得紹興府廳夫一宗據士民張七發等呈稱紹府出會二縣設有廳夫係在經制之外計二百四十名每名派工食銀三兩六錢且有加閏每坊索銀二十餘兩一年通計銀九百三十餘兩又山會二縣驛站自順治十五年間索取坊長貼費年增一年每坊出銀三四十兩一年通計一千二百餘兩驛站大事竟

令坊長承值等情奉憲批司查究遵卽轉行紹興府提解去後催據紹興府申稱廳夫一頃爲庫藏監倉并各衙門守宿巡更而設肇自嘉靖年間其驛站事務有額設可以勤支循環可以稽察其廳夫原派二百二十五名今裁去一百二十九名仍存九十六名造册申覆前來本司查閱該府詳册蓋不禁洞心駭目而驚歎不已也自順治四年奉有欽頒經費錄順治十四年奉有欽定賦役全書凡徵一文役一人悉在賦役全書之內蓋自古帝王取民有制有地則有賦有丁則有役如漕白二糧金花正賦顏料蠟

茶絲綿京絹油鐵之類皆賦也。如書門皂快驛站夫馬之類皆役也。自地丁賦役統為一條鞭徵收。舉凡徵民之財用民之力。彙入全書。科入由單。在全書由單之內者。則為經制。在全書由單之外者。即是贓私。直省官民莫敢或違也。恭繹部文。內開經費既定。官府無捉襟露肘之虞。衙役有代耕糊口之資。小民免濫徵橫斂之苦。此外毫有私增。卽計贓論罪。功令煌煌。炳如星日。豈紹郡守令。獨不聞乎。敢將驛站廳夫名色。每年私派至二千一百三十餘兩。此大可異也。據府詳稱。為庫藏監倉各衙門守宿巡更而設。但

本司恭繹經費錄。與賦役全書。內開府有庫書一名。倉書一名。庫子四名。斗級六名。禁卒十二名。縣有庫書一名。倉書一名。庫子四名。斗級四名。禁卒八名。則是庫藏監倉。未嘗乏人。何得另派民夫也。其各衙門守宿巡更。查府有馬快十名。步快十六名。皂隸十六名。名縣有馬快八名。皂隸十六名。民壯五十名。凡馬快步快民壯。豈專為攝人犯。皂隸豈專為喝道刑人。凡衙門公務奔走服役。自應在官人役為之。而守宿巡更。其首務何得另派民夫也。再查該府冊開廳夫裁留數目。除提督府更夫十名。茶夫二名。打掃夫一名。并

紹協更夫二名。今文武分途。本司不議外。據府册開
察院司更夫五名。茶夫二名。愍孝祠夫一名。查賦沒
全書。紹興府額編看守察院公署。布按二司。府館門
子二十三名。役銀七十七兩六錢。又看守祠廟亭館
門子五名。役銀一十七兩一錢。則是看守衙署祠廟
未嘗乏人。何得另派民夫也。又據府册開山舖夫六
名。總舖夫五名。縣舖夫五名。查全書額編紹興府額
僻共九十二舖。共司兵三百六十名。役銀二千七百
九十七兩八錢。則是舖遞公文。未嘗乏人。何得另派
民夫也。以上俱有經制人役。額編工食。不當另派坊

里。今據府册云。此皆私派厲民不法已甚。合照因
公科歛八十兩以上。應得真綾。至于驛遞錢糧。查山
陰縣額編二千二百四十九兩九錢九分二釐。會稽縣
額編三千四百六兩九錢四分六釐。以上答應勘合
火脚并憲脚。充然有餘。如有橫索夫馬者。自有憲頒
循環號簿。可以稽核。不知該府縣將驛站錢糧。作何
支銷。而派坊里貼費。且累坊里承值。此大不可解也。
更可異者。奉憲臺嚴批駁查之後。該府縣尚議留用
夫九十六名。當此

聖主當陽百度維新之日。申飭私派不啻霜嚴。該府

縣官吏非但不知朝廷之功令為何事并不知已之頭顱為何物矣且將欽頒之經費錄欽定之賦役全書該府縣抗不遵行而反遵明季私貼之例此豈為臣子者之所敢言也此案合行揭參但在康熙六年七月初七日恩赦以前伏祈憲臺嚴加批飭嗣後如有私派坊里一夫者里民告發即以私派從重題叅聽候部議可也再查此案該府申詳業已承認其張七發等所呈是實不必再審伏候憲臺批示至于憲批一縣如此縣縣皆然但未據有告發難以懸揣伏祈憲臺批示通行嚴飭取通省各府縣有

無私派結狀呈送查考可也

錢糧十協濟

協濟東省錢糧事

福建周櫟園諱亮工濟憲

看得閩省起運戶部錢糧額銀除撥湊本省兵餉外實只解部銀一十二萬二千五百三十六兩五錢零而本色銀兩不與焉今奉部咨內開該省起運銀兩撥廣東省銀一十二萬一千六百二十六兩七錢二分到司第查本省解部起運只有此數若盡數撥與粵省協濟兵餉必須十分全完方能如額即承平之日本年錢糧亦不能完及十分矧今地方多事山海

盜賊並發海家叛亂荼毒千里攻陷多城無巢不毀
無田不荒壯者已屬走險老穉枕藉載道有司追呼
計窮殘黎敲朴難施此錢糧必不能完者也及至延
建邵汀四郡處在上游八年以來疊遭山寇作孽據
憑陵依山爲窟烏合之衆出沒無常捲擄民財屠戮
民命廬舍丘墟桑麻非故遍野夜號盡皆逃亡之泣
蕭條村落徒見瓦礫之場兼以天災流行瘟疫大作
死亡無數慘不忍言顧此骨立之民命曷能完及正
供且三春雨澤愆期佈插非時農有欲耕之心苦無
可耕之力民困至此已極國賦何從出辦本司職

在何宜體

國憂民寢食交廢心血已竭況今戎馬

在郊軍需孔急尤望鄰省協濟以解倒懸安能敲朴
殘黎轉輸他省且今日之時勢慘苦之情狀曾已備
陳代題稍有更生之望今若撥起運於粵省民命未
甦將何措辦一時差官催取勢難猝應致悞粵省軍
需雖重處本司亦何益于事本司展轉思維不得不
預陳苦情伏乞俯念民艱日甚錢糧一時難徵併賜
具題。閩省自顧不暇斷不能協濟鄰省乞將粵省
兵餉另撥別省起運協濟本省解戶錢糧乞寬陸續
解部造福海邦非淺矣

議停牧丁幫貼詳

陝西 藩憲 顏澹叟 諱 宛平人

該本司為照漢屬城南襄沔四縣接收屯衛丁條內有三分幫一 共銀若干按年徑解施馬寺以為幫貼收馬之資從未經由本司也每歲終據報在於遵旨會議案內彙冊報銷在案是此項銀兩原出於正賦之內非額外之私幫也明矣嗣於康熙二年奉旨寺監裁併州縣而馬亦因之停牧則此項銀兩不應解給監丁矣蓋緣監丁既無牧馬之勞未可坐食幫收之金而額徵之正賦自應裁充兵餉今平屬雖

云馬未發盡不過少待月日而已寧復有終牧之理乎至所稱贖此以完丁糧此語殊為可異夫寺監既裁歸州縣則向之所謂牧丁今之所謂耕民也向之所謂屯地今之所謂民田也使罷牧馬之役而專力乎耕耘則丁即民也地可賦也今復欲以併力耕田之民仍如代人牧馬之丁求幫貼於他人以完己之國課有是理乎况今幫收各丁之在漢屬也種地輸賦本不少寬即幫收一項亦未少減今即將此項銀兩復給向時牧丁其於漢丁亦何所損獨是以罷牧之丁仍食供牧之銀而朝廷有用之金錢不幾為



若輩坐糜。平且若輩既分給歸併之屯地而得以專力耕鑿矣。今查欲籍幫銀以完丁賦則是漢丁有幫牧之重困而若輩以不丁之夫種不糧之地不惜與漢丁之苦樂霄壤使兩地有不均之歎而國家亦安用此游惰之民以魚肉淳良也哉。則此項銀兩應歸兵餉作正支銷。此斷也。不爽者也。但查前項幫牧銀兩原解交平涼欵項。緣布政右司轄屬似應飭令漢中府徑解右司以佐兵食。則是漢中有供賦之丁而平涼無不糧之地也。伏冀憲臺咨明內部永為定例。

錢糧十二

未完欠

一條鞭議

浙江袁輔宸 諱一相 原天人

一起解錢糧之議本司看得每年額載錢糧應于年內全完。本年不完流為遞年帶徵。年復一年拖欠無窮。案奉工部行文有歲內全完紀錄之例。又奉戶部行文有六月全完之限。在在司祇承功令。誰不欲完考成。急功名者而拖欠不完。其故安在。蓋由于錢糧之不清也。按錢糧之弊有六。一曰侵欺。一曰挪移。一曰透支。一曰冒破。一曰未獲批。一曰未獲領總之皆侵欺也。夫那移一條以此項那作彼項。以此年那

作彼年並非入已之賊按大清律凡那移出納還充官用者並計贓以監守自盜論杖一百流三千里免刺夫以還充官用之錢糧而痛懲之至此者蓋緣侵欺之源實由于那移也惟那移而後胥吏因緣作奸得以行其侵欺惟侵欺而後民脂民膏上不在官下不在民而盡歸於中飽此錢糧所以不完也然而兵餉急則解兵餉協餉急則解協餉漕項急則解漕項起運各部寺錢糧急則解起運各部寺抑或大兵經臨軍機緊急則解軍需此皆通融緩急萬不得已者也至于昏愚有司任意那移或存留甚緩反那起

運以給存留或雜費無額反那正項以充雜費則額解錢糧消弋乎成逝波矣於是經承胥役乘機作弊千變萬化莫可究詰其朦混上司也希冀一銀兩銷其朦混本官也惟圖一銀兩支蓋一經那移彼此率混簿書至猥雜也欸項至繁瑣也况作令者皆甫入仕途之人雖有明敏長才尚多不諳會計况中材以下者乎此錢糧積弊所以無紀極也本司敬陳一議各州縣之徵于民也係一條鞭徵收合令一條鞭起解假如仁和一縣起運戶部折色若干禮部折色若干工部折色若干額編兵餉若干裁扣充餉若干里

馬優免。裁官經費等項各若干。以及科舉曆日海棠等項。幾及二百餘款。統計歲額解司錢糧共若干。除輕實行月淡。貢應解糧道站銀。應解驛道監課。應解運司採辦本色錢糧。應解該府外。凡係解司錢糧。彙爲一條。又除缺官柴馬契稅牙稅牛驢雜稅等項。原無定額。相應另案起解。惟將全書刊載年額。解司錢糧并全書既定以後。里馬優免等項。亦有定額。每歲共該解司銀兩。科算總額若干。內撥留府給兵若干。實該解司銀若干。各縣隨徵隨解。其解文內開列年額。解司條銀若干。第一次解條銀若干。尙餘未解若干。其第二次解文內仍列年額若干。除第一次解過若干。外。今第二次解司條銀若干。尙餘未解若干。其第三次解文內。仍列年額若干。除第一次解過若干。第二次解過若干。外。今第三次解司條銀若干。尙餘未解若干。嗣後逐次起解。俱倣此式。則是通縣解司錢糧止有一條。無第二條完。欠賸然無容纖毫。掩飾并經承洗補解。役運過匪批不投之弊。皆可杜絕矣。惟是奏銷歲終二冊。各都錢糧應分款項。本司查明該縣解過若干。并解府兵餉若干。完十分者。將各部各款彙註十分全完。完九分者。將各部各款彙註一

分未完。蓋各款錢糧合之則為一條。分之則數百條。假如一條未完。一分則數百條。皆未完。一分一條未完。二分則數百條。皆未完。二分。司書造冊。既不能以欠作完。亦不能以完作欠。此最直捷最簡明之法也。且令為有司者。先因款項龐雜。完欠難稽。今止有一條於胸中。則完欠瞭然。如或自夏徂秋。完解尚少。自必惕然警懼。誰不欲十分全完。以副考成者。再有解糧道一條。解驛道一條。解運司一條。解府一條。歲額應解錢糧。止有五條。再有缺官柴馬。契稅牙稅雜稅等項。為數無多。另案考成。亦甚易辦。此法成立。雖有中材之吏。可以鳴琴而理。不費稽核。而錢糧自清。吏胥無所容其奸矣。至于奏銷歲終二冊。本司仍照往造報。未嘗輕變舊章。似屬可行。伏祈憲臺俯賜裁奪。如果可行。特疏題明。請以康熙二年為始。各州縣但照一條鞭起解可也。

改革徵糧舊例條陳

石埭姚六康諱子莊

為酌定錢糧徵輸成法等事。某月日奉本府信票開。奉安撫部院張批。據單職中詳前事。蒙批。姚合陳列利弊。大有裨于催科。第從來法久弊生。仰池州府逐款查議。詳奪務期官民長便。繳等因。到府為此。仰石

據縣官吏查照批詳事理立將該縣陳列各款再加
 查議果否官民兩便各立前件造册申詳本府以憑
 核奪轉覆等因到縣奉此竊照石邑從前徵輸之例
 非特池屬五縣所未有卽徧訪江南亦無是法不識
 此備作自何人遂使流弊至此極也職欲因陋就簡
 則恐江河日下難委國賦于逝波若欲改舊圖新
 又恐沿習成風致拂民情于慮始只得就中調劑頗
 費苦心去害則揀其大甚稍可仍者尙因之立法務
 使其可從稍疑難者寧闕之已經脩杼管見冒昧上
 陳荷蒙撫憲不棄葑菲俯賜採擇機職專行查議仰

見上臺周審盛心但六弊既經臚列無容再贅謹將
 條陳之六法再一中明觀其利益知其弊矣

一前件因循舊例設有排柱之名一都有百數十排
 百數十柱若不責其應卯是導之使欠也若皆責其
 應卯則人盡現役也無論錢糧欠數紛若亂絲卽此
 應比之人已先蜂聚縣堂有蝟蟥鼎沸之勢矣今止
 推一人統攝之排柱之完者免到欠者帶比則頑戶
 有朴責之慮而人思措納現年無諉卸之因而糧有
 着落此畧倣江南首名催糧花戶滾單之遺意在他
 處則爲舊例在本邑行之實爲創始之新法也其從

前察戶花戶不過爲欺隱逋欠之計此法行而百千化身亦何益乎

一前件丁田爲綱而稅糧其目也一戶開明則一戶之完欠如日星推而至于各戶各都莫不皆然非特執簿持籌者易于磨算卽漏田漏丁飛詭之弊亦從此絕矣不多立欸項使愚民易曉胥吏不得因緣爲其所謂一條鞭者非乎其一月雖有三限兩限之分總屬按數總計如初限能完二三限之數則二三限不必赴比或一二限稍不及額仍量從寬政必俟末限而勒完之不廢法亦不膠於法也

一前件分限徵糧使民易納夫徵比之限旣裕則官旣不難於設處多寡之數一分卽民亦易免于笞責雖頑戶貧民亦將黽勉急公况殷實淳良之戶乎大約一月完銀一分有奇而叅以硃料米豆之期會恰及一年奏銷民力無苦於束濕而公私其交賴乎

一前件傾錠鈐印包封上納江南以及各省處處皆然獨石邑不行此法止用零星低錙塘塞一時及湊解之日仍發還本人傾補足色續交重收費幾番出入法之不立亦至此乎甚至有青蚨飛去不獲重來拖欠逃亡復行追比者前件已言之詳矣茲用傾定

欽印之法免一番出入則免一番隄防行之既久則人忘陋習變頽風為善俗先自完糧始矣以上諸款雖似剽襲舊聞實係剔除今弊在官則易為轉移在民亦不難改革是稱兩便但卑職撫字有心催科無術仰冀憲臺採擇施行則小民無慮始之驚而比戶享樂成之福矣

劣矜抗糧等事

杭州紀子湘諱文安人

縣令職司錢穀兼理刑名既司錢穀必知完欠之數既理刑名必審曲直之分未有以完作欠反直為曲孟浪申詳致于吏議者也據中莊某完糧不及十分

之二云何以庭訊之下驗其由票合之本戶之糧則以強半其數矣將謂申先納後以冀待免則考其時日又在半月之先將謂借票于人以飭已過則戶名即是的名由票不可假也未及二卯而完什七則莊某宜在所獎何以申為即此一事則該縣之錢穀刑名已見大槩恐難乎其為民上矣仰解經承并齎糧册以憑審奪

行紹興府各屬牌

台州王且復諱景州人

為清查兵餉錢糧事照得本廳奉巡撫都察院憲檄清理紹屬各項錢糧兼比節年歷欠兵餉自撫院奉

命之日早已申飭在案詎意該縣積玩成習將歷年錢糧那移侵蝕顛倒混淆朦朧追比則以完爲欠希冀考成又以欠爲完造報錢糧則以欠爲完缺解兵餉又以完爲欠致令各鎮標營屢向院司呼籲本都院萬不得已方檄本廳清追乃該縣受事月餘猶藉口新在漫無徵解官是新官豈經承亦皆新役乎本廳催票如雨漠不關心視一新例若弁髦以追查爲兒戲本廳焦心如焚只得親臨監比爲此示仰該縣各經承知悉速將向來侵那兵餉及早補還現徵錢糧盡數起解年來印官數易上下侵那總不出于經

承之手各宜猛省留爾身家勿謂爾在明處我在暗處縱有清官無如猾吏何也本廳雖乏長才頗善搜剔查出弊竇爾等卽遭重譴無以身試至百姓紳衿人等果有拖欠抗拒者該縣卽指名申報本廳自當解處務期刻日清完如仍前朦混延挨憲典俱存決不爾貸須至牌者

錢糧十三

治政廳

詳覆變產完糧緣由

處州太守周宿來

諱茂源松江人

看得處屬白人年平地之後飛畝串名侵逋日甚若賦少而弊最久欠最多者尤莫若雲和一縣旣不能

不痛恨作俑之人復不容不深鄙因循之輩今該縣現任知縣蘇企韓受事方新頗能拒眾口之欺朦搜從前之隱脫據詳變產完糧言之娓娓蒙憲批確議遵查憲示亟革平田之弊凡有拖糧積習俱在憲臺洞鑒之中其端起于久不過割則業主先無的名抑且隨人紐充則額田竟無定處里長既不識其田之在南在北又安知其田之真熟真荒所以奸民囑托總書皆差儘多詭挿逃絕戶下實則暫移他所秋成賄至收租見年遠住他都背後苦爲賄賂種種抗逆侵牟誠有如該縣所陳者昔日縣官祇知徧問其人

遁在何方而不知確查其田落在何處于是株連其遠族疎親或拷求踪跡或責比代完而不知若落其現種現收之田主佃戶皆由縣官迂儒全不從府官提調及至日墮口遁徒有枉陪叅罰此良可浩歎者也夫彼既悖朝廷而欲享無稅之田自當遵功令而顛行入官之律除真正逃亡死絕及積久拋荒者卽應踏明田畝奉憲招墾輸糧外若勘得有熟田而假荒蕪現戶而稱逃絕者許該縣造冊報憲卽將本產或召賣附近田隣或改給本犯佃戶俱容該縣細心酌量隨便易價以完必不可赦之餉銀頂通縣

必不能徵之荒額仍須脩造清冊詭田若干變價若干補完某年某項銀若干通詳立案以杜刁頑之口以慎行法之令蓋釐奸起弊至于萬苦萬難之際如攻病用湯藥不效卽當改用刀鍼此亦律例昭然非臆論也伏祈憲裁批示并請通飭括屬共爲遵行庶可使現存者不再思假冒遁逃而詭詐者俱不致終歸化外銅弊可銷而正供無缺豈曰小補云哉

詞訟一審欽件

飭行案件

爲特飭奉行 欽部件之法以免註誤事照得錢糧

江南 壽民 謹彭年 廣寧人

有待徵解若 欽部件止用造冊查詳原可隨到隨結不至動罹叅罰奈各屬俱以奉行之事委付經承遂將來文擲置高擱逮至過限之後差提逼迫猶然混請寬期不念凡 欽部件定限五箇月覆奏近奉督院批示云 欽部件限五箇月爲滿者迺係督撫回奏之限非承問各官成招詳覆之限也凡府州縣官應于一月內詳司司加覆核於兩三月卽應詳院院查是否妥確尙須翻駁若司府州縣先以五箇月爲期則未有不違限而干叅罰者此言極爲明切所當與各屬共知向來祇因槩委經胥印官全不覺

察所以限到不知過期不曉為此應設一簿將上年
八月始奉到部文事件逐一挨查某某未完以後逐
日挨記仍將部文內查駁緊要處所摘記在簿作何
回覆方可完結不但緩急在目亦且肯緊在心何至
泛具一文混造一册致滋駁改稽悞限期合行通飭
請定推官值季詳文
江寧謝傅公諱寧人
同李謝傅公諱寧人
為請定推官值季之例以均勞逸以全考成以速
欽件事竊照推官一職專理刑名凡職分之所當為
者自當竭蹶趨承無庸諉卸獨是省會之官與外府
之官其甘苦難易有霄壤之判不得不備陳于上臺

凡奉到 欽部憲件反叛人命強盜大案雖經道府

廳縣審定及至詳院具題之日必由憲臺覆核方可
據以入告則本使司實為刑名之綱領但招案之中
或有情事未確引律未符犯証未齊册卷未核必仍
發該刑官確勘始可照斷轉詳而人犯業已解省若
欲發回馭訊既恐限期迫切又恐途路疎虞是以各
府大案多發江寧就近審結爰書山積頭緒紛紜夫
以江南之官理江南之事况蒙憲委誼何敢辭第奉
到招詳多係大案卷牘之繁盈寸累尺其情罪出入
姑不具論即如招中審看口供年齒月日賊仗傷痕

有倫
亦此
義
千篇
覓

入官給主省釋照提已完未完赦前赦後等情稍有
游移動羅部詰一人之耳目有限通省之案牘無窮
能保其一無舛錯耶且各案到廳之日多在 欽限
將滿之時督撫兩憲濡筆以待若止依樣葫蘆恐負
憲臺委任之意若欲從新翻案又恐隔屬追呼不能
卽應而遲悞之咎已獨坐于限外之官矣是以從前
省下刑官降罰累累竟無一人得邀瓦全之幸者豈
盡絀于智力哉夫亦事勢有獨難耳在下吏之功名
固無足惜其如各上臺之考成何查得浙閩東豫秦
楚江右各省皆有刑官值季之例通計所屬刑官若

千員每于春夏秋冬四季照序提取一員赴省備候
本使司駁勘 欽件此官到省于本使司衙門附近
覓一公署不交際不宴會不叅謁不迎送將所帶書
吏關防嚴密一惟料理 欽件精神既一識見自生
責任既專奉行自速立法之良無踰于此在各省既
有成效江南獨不可做而行之乎再查七府之官因
季公值總計二年之內僅任三月之勞使爲上臺考
成起見自當勉勵遵行斷無膜視者也伏祈憲臺轉
詳督撫部院永著爲例不特下吏得免隕越之愆卽
上臺亦可收指臂之效矣

詞訟二 慎招詳

而按察司通飭各屬牌 江南郎一桂 廣寧人
 為嚴飭招詳以遵 功令以救考成事照得刑名關
 係 國法民命新例考成尤嚴為各官身命關鍵事
 甚鉅也每閱各屬招詳顛倒錯亂司道府廳縣造相
 因仍漫不知所究正苟簡繁漏不一而是有一招中
 先擬軍徒後改重辟者招前眼目仍是軍徒並不照
 後出之看參酌改正此其一也又有強盜人命初審
 再審供看不確及三復駁審該承問自當將已審已
 批情節不必復贅止照招駁添漏處研取確供其簡

即是露
 濶手片
 言折獄
 于此可
 見一斑

如是則
 註誤以
 後即行

明切實看語詳覆而各屬每每以上司批駁情節反
 置不問惟因仍前審將既審既載之供纏擾重復供
 供人看即九批十駁絕不顧及批駁詞語止信意朦
 朧勦襲前供前看潦草詳上不知招中空隙不盡上
 司批語不了一有錯悞塵塵相因經年累月不能完
 結由此而遲悞限期致於叅罰由此而或出或入致
 煩議處隨事之大小輕重身家性命亦由此而戮辱
 矣至於指中年月日期問官銜名一番審詳必一番
 載出如承問銜名則謹註於看得之上如奉上發下
 自下詳上節節年月日期不許一次遺漏以便查核

議處不

必再查

職名經

有調停

招手本

及亦款

不濫源

一法也

外錯職名遲悞年月一目了然何等便捷各司卒不肯留心查註備聽一二不通經承信手捏合是欲了事而事愈繁連名累牘碍難披閱坐此故也他如強盜案內夥黨名數盜賊窩主姓名及已未起獲臧仗猶須招前舖叙處與口供看語照出處處符合無絲毫互異亦無絲毫滲漏方成信案審擬罪名必依情就律以待合情各司誠能留心體認事事精詳有何功令之足畏哉本部院每見諸司因一詳失於檢點動干部議降級罰奉甚至革職重處深為此輩惜也是以不厭繁瑣嚴為提劑為此仰司即便移行各道

轉行府廳縣官嗣後承問各案俱照本部院檄中中節緣由節節敲推每詳一招必將此牌對案逐段磨勘果無互異方為騰真具詳如有仍前朦混致干本部院一駁再駁者本官註以下考經承提來重治各宜兢慎毋自貽戚

詞訟三 嚴聽斷

嚴飭聽訟

嶺北 祖漢若 謹永木 守憲 寧遠人

照得吏治不一端而聽訟尤為喫緊無論大疑大獄民命所關即戶婚田上闕毆小事亦宜虛公鞠審毋移于利口母惑于傍言母聽斷于盛怒之時而遷成

兩造無決獄于沈醉之後而浪用五刑毋畏勢而忍恨縱奸母狗情而含淚罰善若夫山谷細民自幼至老未見一官驟至訟庭膽搖舌訥兼之各地鄉語映舌難明此時若不細心定將曲直顛倒置民于覆盆之下無論官評有玷且于陰陽多虧又有健訟刁民夥謀詐騙專以風影之事架為人命抄擄甚則誣為大逆謀叛且多以舊作新朦朧混告若不嚴審反坐勢將安底本道以讞獄之當否驗從政之優劣勿謂今日做官止以錢糧兵馬為重而詞訟為輕也

諭淮屬官吏

淮揚漕撫蔡魁吾諱士英錦州人

為申飭事照得為官聽斷一惟以律為程非可苟且任意草率以從事也本部院雖蒞任未久每見此中各衙門呈詳文案多有逞臆出入竟不合律令者殊可駭異如昨淮刑廳詳到姚連元一案連元之與劉氏通姦日久其夫田疇不但知而不禁且并携其婦同住連元之家固已反客為主夫婦之不啻矣田疇之縊縱有威逼之情顧律文明載若和姦縱容而本夫本婦媿迫自盡者不坐因姦威逼之條山陽縣初擬竟坐一斬一絞幾不知法律為何物矣後經該廳批駁所擬已合然律文尚有追埋壘銀十兩之判今

雖以田疇屍棺責令連元埋葬而此銀或給其親或其無親可給亦須一為註明竟爾抹去又何也又檢屍一節事之最慘既已冤死可憐而復以其朽骨蒸煮洗刮無異牛羊犬豕仁人君子當有愀然其不忍者惟真正人命不檢無以議填不得已而行之今以和姦而有八字傷痕於律必無抵法一驗足矣檢亦何為前因山陽縣於吳可才一案不過一明騙之局一覽瞭然而亦有檢屍之舉業於批申之內嚴加誠諭不意數日之中又有此一事也此蓋衙門積蠹以檢屍為利數誑惑本官而官之不察耳該廳職當刑名合行申飭為此牌仰該廳官吏照牌事理通行闔屬此後判斷文案一惟遵守律令自非真正人命毋許輕行檢屍一體遵行俱無違錯

詞訟四 禁差擾

諭各屬佐貳等官

淮揚 漕撫 蔡魁 吾 諱士英 錦州人

為嚴禁首領雜職擅受民詞虎役惡差橫行索詐以甦民害以靖地方事照得本部院下車之始即已通行嚴飭首領雜職不得擅受民詞茲蒞任半載諸凡惡役積蠹或被告發或經訪拏無不盡法痛懲毫無寬假庶幾官方畧肅而民困亦稍舒矣孰意有大謬

不然者。昨據淮刑廳呈詳。寶應縣民鄔晚。因其妻與其嫌。小有不睦。而地棍糾其族人。捏首衡陽巡司署事。巡檢陳王前。卽差弓兵。易全行拘。全詐鄔晚差銀一十六兩。夫巡檢何官。不啻蠱蟻。乃敢擅受民詞。弓兵何物。無異螻蛄。乃敢擅索重賂。弓兵之詐。已十六金。巡檢之詐。又當幾許。此一異事也。同日又據淮刑官呈詳。天長縣民呂實。開張米舖。劉乾以衣一件。當米五升。後欲加當少許。而實不允。遂以私開典舖首之本縣。差唐高行拘。高索差錢一十六兩。而戲子管友。代爲乞恩招保。遂得酬金四十六兩。夫當米乃尋常之事。不犯重法。何至收監。倡優爲最賤之人。有何體面。遂能乞保。戲子酬金已四十六。設爲鄉紳遊客之酬金。又當幾許。此又一異事也。三日之前。據海防戚同知呈詳。惡棍儲纏子。與姦婦設計。瞰隣婦黃氏。富厚誘之入室。白日吊拷。俾其招認。以盡啟窖藏。如此異常變事。比之強盜打劫。尤爲加等。呈稟捕衙而捕衙受賄。竟自從輕發落。不一聞之印官。夫捕衙何官。打詐良民何事。而竟可以操縱任意。不但不以上。申且蔑視縣正。爲烏有此又一異事也。數日之內。有此三異。皆足令人驚心駭目。一處如此。各處可知。

下。差。如。此。巨。差。可。知。等。而。上。之。由。府。廳。以。及。道。司。等。
衙。門。其。奉。差。員。役。之。妄。自。尊。大。又。不。知。作。何。狀。矣。聞。
閭。百。姓。之。飲。恨。吞。聲。惟。其。所。欲。又。不。知。作。何。狀。矣。本。
部。院。聞。此。惕。然。戒。心。深。媿。耳。目。未。周。紀。綱。欠。肅。致。使。
官。方。不。飭。民。害。未。除。雖。刻。意。加。防。顧。終。以。見。聞。有。限。
搜。剔。不。盡。為。慮。所。賴。道。府。州。縣。之。長。一。體。同。心。正。名。
分。以。肅。官。箴。慎。差。使。而。嚴。約。束。庶。其。稍。知。歛。戢。而。不。
致。貽。害。于。無。窮。耳。合。行。通。飭。為。此。牌。仰。該。道。官。吏。照。
牌。事。理。通。行。各。府。州。縣。以。本。部。院。此。文。寫。成。告。示。云。

詞訟五 催完結

牌行各縣

青州周櫟園詳符人

本道起家邑令。每見上司事事差人。件件守提差人。
到縣善待之不能惡待之不可。每一上堂則擁集前。
後如眼中之釘恨不一時拔去。勿論其咆哮之狀。故。
意欲掃盡州縣體面。即其寂無一言悻悻立于堂側。
縣官見之敢怒而不敢言。一日無好興。頭一日理事。
便無精神。况提犯人者。即逼勒原被之打發催錢糧。
者。則派索里長之陋規。頻向宅門擊柳。勢如雨點。故。
在該房以喝聲若雷。鳴喜則半跪乞恩。怒則瞪眼相。
向。輕則稟縣官打差役。重則打縣堂鎖經承。居則。

資台新書二集卷二

天

飯錢行則要盤費。州縣官稍稍相待不好。便向上官
搬唆。許多是非。以激上官之怒。以致下司畏之如虎。
莫敢誰何。本道自履任以來。從未差一人下縣。此各
州縣所知者。但各州縣中有相體諒者。不待差提。早
完事件。本道極感其相成之誼。有等鬪茸者。見本道
並不差人聽經承事。事高閣。有兩臺並本道號件。經
年累月不結者。甚有一紙結狀。亦累月不發者。視本
道催票如石投水。真可怪異。如逃人號件。過一日即
有叅罰不待言矣。今兩院號件。並批詞亦立有兩月
之限。且以此驗各官之勤惰。定各官之賢否。非同從

前可比。本道既不肯差人各州縣。又不相琳諒。號件
何由而結。不得已再行布告各州縣。須以此牌粘之
座右。不但可當本道一名差役。還可當本道親臨該
地面督一番。如再視為故紙。事事因循。本道終不差
人。亦惟有據實揭報兩院。聽候叅處而已。各相躰諒
毋貽後悔。

通飭各屬

江南 修壽民 譚彭年 廣寧人

為申飭事。照得本司管錢糧。以及 欽件冊籍。天
額徵 國賦。本應完解如期。奉行案件。原當依限詳
結。督催者。固應勤于轉檄。豈承奉者。反竟視為具文。

本司因各屬逋欠錢糧。稽悞案件。檄催札催。手不停筆。是豈不知自愛其力。故爲是不憚煩之事。歟。實以焦心無策。欲罷不能。凡具一牌。稍涉寬泛。既恐視爲緩套。略加激切。又慮詭爲不情。再四推敲。方纔落筆。各屬苟能諒諒此意。或三檄五檄。卽得報完。相成之誼。何等全雅。迺今錢糧案件。皆一日一行。動至數十催及百催。又恐各屬未必經心。更于牌上標定次數。更思法言不若。語加以手札津津。是本司之于各屬。可謂情法兩窮。心力交瘁。次其賢明而能相諒者。雖不乏人。然終不若棄置塵封。大呼不應者之堅而

且衆也。是本司筆舌如林。徒爲所屬覆瓿之具。揆之情理。何以仰安。合行申飭。爲此牌仰某官知悉。以後凡遇本司牌票。求賜檢閱一番。查其行之勤速。激切。或係非托浮言。查其催之事重次多。或應知所歸結。毋任經承。朦混高閣。自今以後。文到有不隨具呈覆。及止以空文塞責者。唯按票號提經承治。以遲悞軍需。稽違。飲件之罪。勿謂本司不言。言之不諄且切也。

申飭通省

爲嚴飭庶政。以肅法紀事。照得粵西僻遠南荒土流

廣西 李含馨 詳月桂 臬憲 藩陽人

天下本
無業庸
人自投
之二語
為古今
定案。

雜處。自昔聲教隔越。政治常異於域中。矧今兵燹之餘。丘墟相望。井里肅然。其為廢弛備倨。更日甚一日矣。所望官茲上者。振作精神。留心政事。庶幾生聚教養。揀做扶衰。雖未能俗易風移。亦可冀漸有起色。本司掌憲全省。期於雷厲風行。刑清政理。迺蒞任以來。查閱案牘。大都因仍積弛。呼應不靈。且內中強半土司之事。或始由爭奪起釁。而有司報文邀功。譁張其詞。釀成大家。究為不結之局。甚有催呼數十次。歷數月而不一應者。此豈朝廷設官分職之意。而身膺民社者之所當為如此。泄泄貪冒。是不能易俗移風。反覺與俗俱化矣。本司凜茲 功令。特與諸賢約。務將舊習盡行振刷。惟慎惟勤。出以實心。行以敏政。事集而民不擾。所藉於同舟助理者不淺也。各行嚴飭。為此脾仰。云 以後一切文書。無論大小事件。俱要隨到隨行。按期申覆。本司以仁智勇三號立票。嚴催如三催前件不完。抗玩不應。本司即以州縣之惰。勤為該府廳之殿。最惟有轉報督撫兩臺。聽白簡從事而已。至于地方或有謀叛強竊。與夫爭鬪等類。其間情事輕重甚懸。自後務要會查確據。方人塘報。不得以小作大。而見事風生。亦不得以實為虛。而隱情坐

視該府縣均有表率澄清之責即速嚴行通飭云

人命條議五款

河南李毅可 昌邑人

為刑名有一定之讞法大案有難案之利條謹陳未
議請乞憲鑒批飭遵行事竊照政治莫重于刑名而

刑名又莫重于人命盜情益上呈憲覽轉達

宸總生死之所由關法令之所由著未可使一情之

弗得一字之或舛也邇來官胥平時既不知講讀律

例臨審又不能細心參詳或出入游移而輕重倒置

或元克漏網而枉累無辜以致訟獄繁興為害非淺

殊不知審有審法招有招體其間毫釐千里之辯稍

或貿亂誑誤因之民命繫之誠不可不慎也茲列未

議于左是否有當伏乞憲裁倘有可採俯候批行刊

發所屬實心體認知所恪遵其裨益于民生地方者

大也

一人命以原詞為據隨告隨審即遲亦不得過三日

此為定規尤不許于臨審時更投多詞改換情節添

減犯証展轉牽告除克犯應行羈禁外見証隣佑多

不過三四人隨案質審分別保候不許一槩羈禁亦

不許聽信經承差役株連多人致滋詐騙

一人命以傷痕為憑奉禁不許轉委佐貳捕員定例

印官親臨屍場檢驗如但隔壁聽伴作指報則印官必須親臨屍場之為何須將傷痕顏色分寸某處偏左偏右皮破骨折紅檀白檀係某器所傷分晰致命不致命如金刃手足磚石木棍等器果與傷痕相合檢驗的實審與口供無錯即填屍格以定山案不可聽信伴作經承含糊混報致成疑案難結更不可遲延時日以致屍漬難檢

一人命以初情為真檢驗之日即研訊屍親兇犯及緊關証佐確實各口供隨時追獲兇器因何事起釁何人見証何人先後下手何人致命重傷行兇及致

死日期為首為從情節逐一訊明即便定案以防後日狡辯參差

一謀殺故殺情律甚重如果有陰謀詭計或有意欲殺須依律坐罪若無謀故實跡証口有據自認無辭者不得輕議強引至鬪毆殺誤殺戲殺過失殺以及

威逼等項各有一定之律例亦各有不同之情節如鬪殺者以一人而敵一人者也有兩人則為共毆非鬪毆矣鬪出一人之手又不可鬪毆論言故殺者故

意殺人意動于心執物毒打致命即時身死是有心害命也此為故殺隔日身死為鬪殺若意欲殺人先

從末辦人命未見詳悉至此非寢食坐臥于律例七不能道非

視人之性命若已之性命者亦不能道此刑名第一書為官必免熟讀

告于為從者使隨我而殺之則為謀殺非故殺矣故殺者出于一人之意不可以從論也若人不知故殺之意而卒然相遇共毆則亦共毆餘人而已同謀共毆有分有合分而言言有同謀而不共毆有共毆而不同謀合而言之始既同謀終又共毆究其下手毆傷致命之處之人坐以絞罪原謀者不論其共毆與否並杖百流三以其為禍端之所起若共毆之人雖有別處重傷亦止杖一百以其下手致命者抵償矣故不深罪若原謀自行下手致命或混打不知何人下手俱問原謀絞其他俱餘人若同行之人既不與謀又不助力乃是不行勸阻只問不應如議甲乙丙俱依同謀共毆人因而致死者以致命傷為重乙下手律絞甲原謀律杖一百流三千里丙餘人律杖一百是也

一。共毆者。惟有兇器。又毆有致命重傷者。方引充軍。其雖有兇器。而無重傷。及雖有重傷。而無兇器。皆不得剪摘例文。妄引矣。如審係某情。即定某罪。其口供參看引律。務須一意到底。不許口供牽混。參看與引律舛錯。如共毆致死者。須悉某人持某器。某處有致命傷。口供務與傷痕兇器相合。獨重者。議抵不得揣

資治新書二集卷之二
摩懸坐以滋辯實或有目盡身死者隨卽詢其無有
真正威逼情形卽便趕釋不究仍差人押令限三日
掩埋則輕生刁惡之風自息矣

資治新書二集卷之三目次

六 移部

學政一 諮賢否

查取教官賢否牌

張蓼匪

學政二 取優劣

諮訪優劣之一

張蓼匪

諮訪優劣之二

張蓼匪

學政事

張西山

查文生優劣

張西山

查武生優劣

張西山

學政三 查匪類

查匪類以清學校事

張西山

學政四 申劣裕

申學臺

蔡蓮西

學政五 復衣頂

懇恩詳覆等事

李勳園

懇恩詳覆事

岳華山

學政六 嚴守祠

查濫冒祠生

張西山

學政七 舉鄉飲

通行各屬

張西山

學政八 旌節孝

詳各臺

張西山

直陳殉難等事

胡文燁

前事

胡文燁

節孝看語

劉黃中

旌表節孝疏看語

秦瑞寰

節婦高氏徐氏看語

鄭漢奉

節婦蔡氏看語

俞硯如

學政九 議禮儀

詳復武舉儀注

袁輔宸

申飭呈報丁憂字樣

袁輔宸

學政十議從祀

張西山

詳院

學政十一祀名宦

宋翰林院學士看語

周宿來

杜推官入祀看語

周宿來

學政十二祀鄉賢

鄉賢沈鍊看語

周宿來

布衣包萬有看語

周宿來

故宦高文登看語

王瑞卿

前事批詳

王園長

學政十三庶務

恤錄忠臣後裔

徐德夫

申報事

王望如

文移新增

王氏李氏雙節看語以下俱入學政九

梁治湄

節孝方氏看語

梁治湄

節孝沈氏看語

梁治湄

資治新書二集卷之三

資治新書二集卷之三

湖上笠翁李

漁蒐輯

媚沈心友伯訂

學政一 論賢否

查取教官賢否事

兩浙文宗張夢匪諱安茂華亭人

照得教官模範諸生表率多士職任所關甚距自故
明之世類用衰老明經備員以致日暮窮途不思進
取惟以較量修脯為事置課荒砥行于罔聞是教諭
訓導之名虛設久矣自我清定鼎以來所授教職
類選時髦間選宿彥雖未必人人稱職而衣冠氣象
倏為改觀然朝廷用人之意則加厚儒流恐儒流

資治新書二集卷三

稊躬之心仍自菲薄茲本道蒞任伊始應行各屬教職取生員優劣姓名以脩黜陟然欲取生員之優劣先詢教官之賢否未有營私念切而肯以公道評人者也合行查取為此仰府廳州縣官吏照牌事理仰將所屬各學教官修造履歷分列年志力行學識教規四事逐一填註另開考語總括實事不得用四六浮詞塞責務須博訪詳實有裨勸懲限文到十日內造送云

學政二 取優劣

諭訪優劣之一

兩浙 張蓼匪 諱安 華亭人

為歲考事照得教化凌頹起于學校無政風俗傷敗始于衿佩不倫本道巡歷所至必先廉訪優劣以為勸懲誠以文學不先德行耳合行密訪以待歲試發落為此仰府即將屬學生員密行諮訪如有不孝不弟敗倫傷化出入衙門挾媚有司于証詰訟嫁禍射利攬納錢糧與賭博姦淫黨惡害民諸不法事備將真蹟實據列款密報以憑究懲優行諸生亦須果能攻苦讀書孝友足迹屏蹟公門輿論無間者詳開行實候本道按臨之日各揭申報以憑優賞罷異教官不得曲徇情面或以平常細事毛舉置純修實行于

不問或以曠學小疵塞責舍元惡大愆于無聞以及有優無劣漫不經心者本道別有訪聞該教官立行斥逐學吏書依律重究各宜慎之

訪優劣之二

張蓼匪

為再飭實舉優劣事照得士子為四民之表獎罰優劣係正風化之綱領但須奉行其事者廉訪有素灼見無疑或一事而定生平或多端而積成善惡虛心博訪採之道路察及家庭據所聞見按實直書先期封報以憑覆核誠恐各屬視為緩務虛報塞責合再嚴飭為此仰府廳不必知會教官教官不必轉申提調務各多方察核得其實蹟不必胥吏代書徑用函揭手陳限半月之內密封送道如報優徒為奸輩護衣巾報劣只為孤貧備嫌怨除駁行外仍嚴提經承重究本官揭叅

學政事

江甯張玉甲 諱能 大興人

照得衣頂之給原以優老並或壯年有志而廢格于病者非漫以各器假借不自愛鼎之輩為護身符也本道訪聞此中衣頂各生每每出入衙門建言興訟悍然與子衿爭雄儼然與有司抗執蓋以考校既所不及而查取優劣教官又復寬之繩束亦何怪其號

爲鐵秀才而肆無忌憚也方今 功令森嚴凡甲乙
兩榜及貢監之在籍者悉責成查察有過必舉況此
輩現着青衫豈容姑縱合就飭行爲此仰府州官吏
照牌事理卽便通行各儒學備查該學衣頂生員其
若干名某某于某年告老某院批允果否年已六旬
某某于某年病廢告退某院批允曾否痊可察果年
過六旬以上者爲一項病發難痊者爲一項素行不
檢包攬把持致唆起滅者爲一項造冊併具劣蹟報
道以憑覆核斥究此外年青病愈者盡數查出一批
起送補考或候酌量收復庶才者不終廢而劣者知

所儆而本道有教無類之念亦庶幾其克盡矣

查文生優劣

陝西 學憲 徐靜菴 諱明彌 蕪湖人

爲學政事照得士不敦行風斯日下本道職司風教
紀綱所藉以提撕警戒彰 朝廷勸懲之公者惟優
劣一典年來視爲具文惟憑開報於廣文廣文而賢
者猶或自出手眼若老耄不振之輩無不聽從門斗
受制學霸一番採訪祇供一番之吮吸耳本道業已
申飭於蚤乃檄行已久考校將竣該府廳查無揭報
豈真平原之無抑南陽之不可問也合再嚴催爲此
仰府廳官吏查照先今事理速將各屬學生員優劣



學役齷齪等項虛公體察不須套語確開事蹟定限數日內報道以憑覆核勸懲施行然必巨惡大愆事有真據賞一人而不賞者勸罰一人而不罰者警庶教化聿新士風丕變藉該府廳相成之誼不淺慎勿以小過塞責

查武生優劣

張玉甲

為嚴察武生劣行以重歲典事照得武生初進其途也無紅案以列名無專官以董率無歲考降斥之條無巡試劣行之報因而真頑暴戾武斷狂幫多不以鼎自愛改該前院題奉欽依一切降斥劣行悉與文生同例雖躡治漸覺可憐而積染未免移人且揚固黨凌族聚之鄉也保無內行不立入不知有倫常簞篋弗備出不知有廉恥以及一勇而前雖此必報三章固守刀筆為雄者此皆當門之棘鋤之宜強令就嚴察為此仰府廳官吏照牌并遵奉欽依事理速將各屬學武生密察素履如有忤倫裂檢怙惡稔奸並前種種穢跡者許即詳列事款具揭報道以憑覆核剴懲施行培嘉禾而去稂莠諒有同心慎勿以具文相視

學政三 查匪類

查匪類以清學校事

江南張西山 諱能麟 宛平人

照得宮牆巍峻一切娼優隸卒刑喪過犯之輩嚴拒而不許人正以別凡在士林者品望清高入不可及

也乃近訪有等身在黌門心馳岐路或狎于優俳而不耻或甘為人役而不辭或肆惡以恣貪或淫行以傷化是真所謂敗群匪類有玷宮牆真難一日容於學校者也何該學教官竟如聾瞶毫無見聞縱入筐之豚而不知追視矚治之金而不能鑄此皆由於各學門斗受若輩之酒食賄賂而矇蔽教官匿不上聞也卽如青衿竄入公門甘爲胥役此人所易見者尙且知而不舉又安望其舉大奸巨憝而發之哉則教官學役洵不能辭其責矣除將該學生員某某等行學除名另提懲劄并該路門斗吏書解究外擬合通行嚴飭爲此仰府宜吏照牌事理卽便轉行各屬學查有前項縱恣不檢敗群匪類及竄入公門甘爲胥役而各掛黌籍者卽便開具劣名欸蹟密報本道以憑革究施行其有曾經黜革學冊無名者不在此例

學政四 申劣矜

申學臺

甘泉縣令蔡蓮西諱祖庚江寧人

爲督課之今日嚴懲矜之欠愈積謹摘取其尤仰籍憲威懲治以砥綱習以策輪將事照得今日之錢糧無項可寬無時可緩所恃爲四民之首者應期輸納庶幾編戶小民有所矜式而不爲頑梗不謂抗糧之



習反自學較始之邊隅小邑其青衿舉止動擬紳貴
一入賢宮卽喜占耕田地不慣輸納錢糧里胥莫可
如何代比代賄不一而足有時情極而稟之縣官縣
官念屬子衿不便遽懲以法或出示曉諭或差役押
催則又負嵎毆差燬裂告示卑職隱忍多時以致積
年欠逋莫可數紀近以歲叅考成在卽各臺催檄如
雷里催不應差催不行只得親往各鄉理論情求幾
類卑田乞食冀于打動良心乃各矜橫肆如故非止
已糧不納且見樂輸恐後者而笑之此類甚多然未
有若某某二生者甘泉屢遭屠戮慘極殘荒近又以

王逆之叛受害獨甚以致遺丁不滿百數地土一望
蒿萊而又路處極冲殘驛支持不住錢糧額數原不
甚多追徵之難嘔盡心血甘邑花戶錢糧不過論升
論合計錢計分而兩生戶內米至若干石銀至若干
兩則亦居然大戶矣六年之數不敢問七年之數尙
欠十分之七至于殘驛倒斷卑職集眾公議限納站
價急救燃眉合邑士民無不勉力接濟而其間站銀
獨多者惟此兩生悍然獨抗者亦惟此兩生屢次差
役徃催俱飽毒拳而返實以胥役者辱官投鼠者傷
器如此菟頰而不一加懲創恐諸生效尤于二生民

戶效尤于衿戶甘泉一邑之錢糧將來不可復問矣
况今功令森嚴凡縣官錢糧完不及額者歲叅分
數輕則罰俸降級重則革職提問且積縣屬之不完
累及府廳積府屬之不完累及道司撫院絲聯櫛比
曾不少遺獨于頑鈍無忌之劣生反爲功令所不
及恐朝廷無此法紀而憲臺聞之未有不奮然髮
豎者也以此不避怨尤冒瀆憲聽乞將生員某某暫
行降革俾與齊武一同嚴比俟其錢糧完後仍許申
請復學暫懸故物以待之卑職實從 國課起見非
與衿士爲讐也

學政五 復衣頂

懇恩詳覆等事

金華 李鄴園 講之芳 武定人

看得戴之甲向因戴之乙搆覺骨肉之間亭經帷簿
之事而指姦無據歷謝情節已瞭然矣惟是之甲向
以此坐黜未蒙允復今嗷嗷復爲是請者蓋因註誤
被放情有可矜冀一開自新之階而不卽于終身淪
棄也况其才有可觀是敢特爲申請但歷訟顛末屢
蒙憲審已明伏乞洞燭前案情由移送學道准其收
復總屬憲臺憐士盛心而賜之再造也

懇恩詳復事

仁和 岳華山 諱鍾淑 武進人

看得某某等欠糧不納原視戶首生員張某為樣一人不納群而和之故卑縣抗糧之申不得以張某為首革追自難寬宥及經詳革之後不惟本生戶內全完而合圖士民無不輸將及額亦以張某為樣也是一張某者向為罪之魁而今則功之首矣據呈哀控求復衣頂合無請賜矜全仍施作養倘得還其故物則將來之鼓勵鄉民者愈力矣

學政六 嚴守祠

查冒熾祀生

江南 張西山 諱能 學憲 宛平人

照得名賢固不可以無後名器亦不可以假人從來

奉祀一生得以循例批給衣頂者良為崇德報功爰先賢之血食于千秋耳然考之典例非有前祀設有丁祭者槩不得濫徼乃年來請乞頻仍保勘扶乩不問祠之為公為私并不究祭之為無為有朦朧告給貼報招搖甚之市猾統袴亦青其衿狼子狐群混托支裔恐先賢有知將不勝其怨恫也合就清察為此仰府官吏照牌事理即便轉行各屬學立將奉祀各生無論新舊逐一挨年順月盡數查出倘開某代先賢某人有何功德事業彪炳簡冊於某年間建祠設祭某年間奉某督學批給奉祀一向有無襲替或



即有助業在地方祠祭尙缺者亦須詳悉報名不得漫借舉勘卮言扶同欺冒至于孝行岐黃之士向例亦批衣頂然日久滋弊並有不由本道衙門批行者殊多冒濫通限一并查明半月內備造清冊送道以憑查核

學政七舉鄉飲

通行各屬

江南張玉甲諱能麟學憲

為申飭鄉飲以光大典事照得鄉飲一舉肇之令甲必年高德邵者肅之几筵始足風勵名教乃至今日格衰相循濫觴已極有司憑開報於學博學博任寒

煖於諸生以保結叢賄賂之門以賓禮加僉壬之輩致令嫖修者羞與為儔旁觀者蒙口而笑可訝也至屆期敦請必先確覆某賓介宦績鄉評何若某耆老享年素行何如具詳本道批允方始舉行此又飲飭全書開載甚悉今俱土苴視之或先開後報或報而失真一惟塗飾了局更老鉅興不敬孰甚合就嚴飭為此仰府官吏照牌事理即便通行各屬今後凡遇正望冬朔舉請鄉飲必確核各賓候耆老鄉評宜績年高德邵堪為一方典型輿論所共推服者備具事實總括真切看語于一月前具詳本道以憑覆核

批允方許至期敦請如舉報不當及申報愆期者師生人等一體追論不貸

學政八 旌節孝

詳各臺

江南 學憲 張玉甲 謹能 謹

遵例表揚節孝懇賜題旌以闡幽谷之光以昭篤倫之化事竊惟忠孝節義人之大綱而彛倫之攸敘攸敦有關化理然必導揚激勸自止而後化成俗美于下本道謬竽學政風教固為耑責磨礪竊有素心凡事關倫常節孝無不加意獎勸每歲科考竣或批給匾或量行賞賚俾知觀感茲據蘇州等府州彙報所屬孝子節婦行實姓氏到道除刊版傷體為會與所禁與年例未合者不敢彙敘外所有孝子陳龍禎等節烈張氏等悉皆深閨弱質亦或委巷編氓溫清罔渝靡他自矢或未亡而隆孝養于翁姑或孝弟而兼敦睦于族里雖未乞學問之靈咸有裨綱常之重苟非聞之幽潛被以錫命曷以俾蘭馨桂馥勒金石而不刊野旄村倪鼓忠義而知奮乎察職衙門于役事竣例應表揚今自前院蘇具題請旌而後歷有年所其間遷轉不常久未舉行以致茹荼之苦節尙瀼負米之至孝莫聞是非所以重風化而仰贊

皇上敦倫孝治之上理也伏遇憲臺節鎮此邦王持
名教謹彙各行實上請仰乞採擇題旌表厥宅里庶
幽光不渝夫衰草孝治永賁於遐方矣云云

孝子徐獻章係本縣民襁褓之夫默通詩書大義未
耕之子能酬毛裏深恩泣血療父從醫士之言始嘗
藥而繼嘗糞啜粟奉母以隻影之身朝負米而夕負
薪謂宜蓼莪無愧乃更風木永思坐封兩代墓廬三
年行其里者王公大人為之改容矜其名者走卒兒
童悉知起敬據里隣生員公舉縣府覆看詳道該本
道叅看得徐獻章孩心未鑿至孝克敦觀其哀號療

父拮据奉母而且銖積以封兩代廬墓至徹三年一
腔血忱有足多者亟應表閭以為世則

孝子李騰芬生遭貧窘時際艱辛勉萊綵以娛情服
鶉衣之百結父遊不返經年行乞尋踪母病累危徹
夜號天滅筭此其怙恃之真非由學慮所致也既無
間于人言宜邀榮于國典據鄉保某等公舉縣府
覆看申道該本道叅看得李騰芳家鮮宿春孝隆一
本承顏順志不學問而明倫滅筭告天惟知年而引
懼至跣號尋父逆旅經年尤覘至情允宜旌揚以彰
風勵

節婦居氏故民鄒紳妻年二十九歲喪夫子鄒宏方
在鄙稚矢志苦守撫孤成立娶周氏爲配止生一子
鄒國麟宏隨物故周氏年僅二十五歲藐爾一孤兩
寡相依居氏克全奇節既撫孤子又撫孤孫周氏得
步前徽既美一傳更美再世今居氏七十有九周氏
年臻五十姑以節行兼慈媳以貞志兼孝瑞鍾一門
雙節可嘉等情據生員高鴻峰等呈舉申詳蘇松道
給冰玉雙清匾示獎今據縣府覆看申道該本道叅
看得居氏周氏一貞共砥兩寡相依居則淒風苦雨
一生撫孤子孱孫周則繼美紹徽半世依耄姑弱胤
節以繼節寡婦所難子以旌揚允堪風世

節婦陳氏故儒士歸文達妻十八歲婚二十一寡現
年六十三歲守貞四十二年當三載相夫克修婦道
一朝分袂決志從亡因以堂有七旬垂白懷中八月
藐孤乃存一身以肩生養死葬之任綿一息以撫承
先啟後之人洎乎同室操戈毀巢殺卵氏能百計支
傾風雨無恙截髮供師斷機誨子母道與師道並隆
真烈與真節交著據生員查維典等呈舉詳蒙學院
石堦允旌獎又經本道先給松筠此操四字旌門今
據府縣覆看申道該本道叅看得陳氏青年失偶矢

志未亡竭菽水以承堂上之歡茹荼苦而鞠懷中之
胤外侮為弭大節克盡允宜題旌以風末俗

節婦宗氏故前朝候選經歷蘇時化之妻生員蘇融
之母十六歲嫁夫二十六歲夫故霜幃苦守矢志之
始年未逾夫三十柄節彌堅從一而終壽已過于六
旬處閨閣者不過二八齊眉案者不過十年惟有一
子止有一婦亮節格天赴焔而反風滅火貞心化盜
臨危而易暴為仁一寡母而兩世單傳嘆為父為師
之兼至一孤嫠而三喪並舉欽婦道妻道之克全氏
能教子成名閭里喧傳孟母融能事親盡孝宗黨咸

譽會參一門節孝允宜旌表等情據生員沈錯等呈
舉申詳本道先給節孝匾示旌又奉撫鹽兩院嘉獎
今縣府覆看申道該本道參看得宗氏十七于歸二
十七而遽歌碓露水霜之操歷四十年且襁褓五月
之孤教以有成首若蓬飛心如荼苦矣其子蘇融竭
力事母此彼蒼之所以報苦節也德萃一門旌榮無
忝

貞女周氏係故民顧士彥妻周行簡女未婚喪夫見
年七十一歲守節五十九年甫十齡因父家貧憑媒
即過顧門為養媳越二載夫患蠱氏隨侍湯藥四年



病不起而歿氏號泣幾絕矢志靡他事姑嫜如父母服闋翁姑憐其年少欲謀更適氏覺剪髮毀容議後得寢依依膝下代夫承歡萬曆三十九年蒙魏知縣憐氏苦節隨與氏冠報憲給額歷蒙匾旌翁姑繼歿棺殮祭葬身力勞瘁紡績茶苦據生員周森林等呈舉申詳本道先給貞德久潛匾示旌今縣府覆看申道該本道參看得貞女周氏伉儷未偕湯藥旋侍四載敦事夫之道童年矢截髮之操依二白以承歡茹荼匪苦歷七旬而著節旌典宜膺

貞女王氏年十二許配侯世仍為室納聘再期喪偶

聞訃悲哀泣血矢志弗渝聞勸諭而絕粒者三耶異議而投繯者再燕釵初剖時方一十四年鸞鏡永分今已五十三載茶苦終身冰清畢世加以侍奉老親生事死葬撫字孤侄養殮婚娶是誠巨室所難能詎謂華門而幸邁據生員朱奇胤等公舉詳蒙按院泰給賞今縣府覆看申道該本道參看得王氏之字侯世仍雖已納問名之采尚未齊舉案之眉願乃聞訃服喪投繯矢志童年所難至老彌篤榮褒允宜

直陳殉難等事

浙江胡口口諱文燁右藩盛京人

為直陳殉難節烈事批發台州府理刑推官王階呈



詞呈稱竊念完貞殉難風化攸闡就義扶倫闡幃僅
觀今蒙上察理合表明本年某月某日海寇披猖台
城失陷時職蒙按臺憲牌取入棘闈先于七月某日
起程赴省職家眷在衙聞變驚惶恐懼不測相率殉
難幸獲救甦獨妾于氏倉卒投繯須臾殞命潔身遂
志聞見俱傷茲蒙憲臺櫛取殉難不敢不據實報聞
云蒙批仰臨海縣查報等因蒙此遵行兩學確查
去後隨准本學署教諭事舉人沈某府學署教諭事
訓導吳某牒稱備行兩學諸生會查去後隨據府縣
兩學廩增附生員某等結覆前來遵依會同結得玉

司理副室于氏委于八月二十六日台城被寇韓弁
外通變起倉卒于氏竟長號不食密自投縲家人奔
救無及以士女之風規表丈夫之烈節見聞嗟異今
古罕儔堪名外史以備采風等情據此該卑職等看
得台郡慘變士女罹災非具烈丈夫之性者鮮克完
真而潔志也王司李副室分列小星行同皎日端嚴
固繇于主德貞烈實出自天生當司理赴省人棘適
遭海寇圍城至八月二十日火光接天砲聲震地城
守雖嚴人驚風鶴獨司理之門杳若無聲已共欽其
闕範有素矣至二十六日叛弁外通東門失陷各職

紳士只欠一死四散驚逃獨司理門內相率殉難幸
獲救甦于氏乃雉經以殞捐軀殉難秉義扶綱烈烈
而死寧不愧夫沒沒而生者乎閩郡聞之無不感泣
正氣所鍾世風攸賴允宜特題以正化源以光青史
者也復行訓導方某覆勘無異取具師生各結狀牒
覆前來又據坊里老方某等遵依結得台郡八月廿
六日海寇猖獗男婦驚惶王推官奉取入簾家眷在
衙誠恐不測相率殉難副室于氏投繯殞命官清妾
烈希世奇聞理合具結等情前來准此該本縣署縣
事經歷吳某看得海寇攻陷台郡魚鳥驚亂玉石不

分獨理刑副室于氏冰潔自持從容就死闔房鍾秀
英魂偕天姥並峙海內流徽芳名與日月同光獨全
大義不愧小星士庶慕風口碑載道所當旌異請題
以彰奇節者也緣奉批查事理卑職未敢擅便擬合
詳覆云

前事

覆看得台司李王階之妾于氏雖列小星能全大節
臨難不變惟貞一以盟心見義必爲罔二三之分念
波揚鱗海頸繫燕樓誠閩閩之令節巾幗之完人也
宜表碣石以光褒典茲據道縣查勘前來本司覆核

無異理合呈請具題旌表此亦廉頑起懦之一端也
等因呈詳去後奉本都院批仰候具題繳奉本部院
李批于氏以小星殉難殊為可風仰候撫按二院具
題旌表繳云等因准此案照前事先據臨海縣查
覆前來該本司看得舍生取義自古為難殺身成仁
於今為烈在鬚眉尚多柔脆况在巾幗猶當翹論者
乎台刑官王階奉取入閨時遭鄭逆之變恣意焚掠
其妾于氏義不受辱盡節投繯傳所謂聳清漢之喬
葉有裕微風振幽谷之貞蕤無慚雅意亟宜題請表
揚以範風俗者也等因呈詳去後今准前因合行知
照為此仰本官遵奉憲批事理聽候各院具題旌表
施行

節孝看語

撫州太守劉黃中諱玉瑣宛平人

看得節婦何氏妙齡堅楫舟之矢深夜操機杼之勤
菽水承姑詩書課子四十餘年如一日六十二歲無
間言允宜褒揚以維風化
看得孝子黃隆吉心醉六經品先百行殺鷄不為客
設有茅季偉甘旨之殷受杖而泣親衰如韓伯愈體
親之切還金不媿古哲捐棺克濟今人名行素敦表
揚宜及

看節婦朱氏緣成破鏡志矢空幃德媿三遷閭里
羨紫丸之教恩全五子膠庠待鵬羽之神貞節堪揚
褒嘉允協

旌表節孝疏看語

江南秦瑞寰 詳世禎 關東人

哀道哀理艱難以致養養愈真貧苦而承歡益摯
聯既翁之友恭作萱庭之聚順竭於役之筋力供萊
舞之笑言昔聞新野懿行徒遙慕其名耳今於壽春
芳藪得親見其人焉豈非盛世之休風南邦之碩德
乎

烈女江純未覩符男半面甘萎淑女三春婉轉麻衣

勉植網維於塵世從容練幅克全節誼於泉臺夫慷慨
捐生激烈就義已難之矣而况委曲三年徘徊四
縊卒遂前志悲感風雷嗟哉江純之烈也純乎其純
矣

范氏弱質而負剛腸深閨而鍾間氣一門雙烈珮環
聯玉碎之聲身殞神存塵草壯冰清之氣致命遂志
巍然坊表人聞携手同歸羨爾芝蘭地下

劉氏命可捐身不可辱喉可斷他不可求乃詒賊以
起藏旋奪刀而畢命洵勇以赴義而智以成仁者也
烈哉紅血之飛已獲綠林之魄矣

節婦高氏徐氏看語

嘉興太守鄭漢奉候官人

看得嘉興縣故民吳邦章妻高氏吳邦翊妻徐氏儒門淑媛華胄各殊一則婦居七十禮不求身見之榮一則訓子三十年兼矢存孤之志節既萃于一門譽宜彰于百世揆諸年例俱已久符褒彼貞魂曷容更後請乞載入憲綱愜輿情之景仰繼以奏請樹閭里之風聲

節婦蔡氏看語

江寧縣宰俞視如諱滋慧新會人

看得故民葛良歸妻蔡氏現年六十有四稱孀在二十七歲茹苦歷三十七年居貧知禮遇難能貞忍死事舅姑餘生撫孤弱甘膾殯送既以健婦而勝男顧復訓成更以慈母而代父遇災荒饑困而克濟經兵燹離亂而弗渝惟寢同漆室嘉節未獲顯揚乃典屬盛朝堅操幸逢彰闡柏之茂寒而後凋籬菊之芳晚而自見允宜闡表以礪閭風

王氏李氏雙節勘語

錢塘縣宰梁治湄諱允植真定人

勘得王氏李氏一門大誼兩世貞操王氏結縭在十九歲未十載而遂嗟長吉先摧李氏于歸在十八齡甫五年而遽悼其妻早寡王奉五詢姑氏矢節於二十有八完節於五十有三李撫十月孤兒矢節於二

十有三完節於六十有二厥姑厥婦合儀同副微音
成子成孫貽謀悉稱慈訓因向側陋罔聞欠矢僉同
皇仁昔被亟邀旌典之家年歲既已查明覆勘又復
無異相應詳請憲臺核明轉達以宏德化者也

節孝方氏勘語

錢塘 邑宰 梁治涓 真定人

勘得已故生員胡承虞妻方氏河舟獨泐寡鵠空悲
勵苦節於青閨不愧其妻之誓全芳名於皓首式同
崔氏之貞盡孝養以供姑婦道更兼子職秉松筠而
矢操巾幗儼如丈夫若乃割臂剜肱猶稱異孝毀形
裂體更屬奇貞今准三學生員黃扉等公舉復據里

隣鍾毓森等結覆相應勘請憲臺覆核八志以垂不
朽云

節婦沈氏勘語

錢塘 邑宰 梁治涓 真定人

沈氏京衛叅軍錢力臯之繼室也擷秀名門于歸望
族丁年吟寡鵠操凜冰霜垂老泣孤鸞履貞松栢痛
藁砧之北去旅櫬何歸携幼子以南還扁舟獨返九
熊畫荻效歐母之懿風暮績朝春繼少君之闡教是
誠苦節堪揚允屬幽貞足採今據里隣吳必達等具
結前來相應勘覆憲臺核詳入志



詳覆武舉儀注

浙江 袁輔宸 諱一相 順天人

看得開科取士文武一體原無軒輊今據武舉徐紀等呈請通行各府縣相見禮儀悉照文科不致異同隨經都司轉詳憲臺批籓臬二司確議本司備查文武各官相見俱有部頒儀注至于舉人貢生生員未入仕途一應儀注未奉部文申飭本司似難擅議但查會典開載凡生員見上司妄行跪禮過為稱呼依律究問則知 國家之待士子惟恐其習於卑謫流

為汗下也但文武舉人相見儀注既無舊章可考本司若為建議恐日後與郡縣官爭禮必以本司為口實今准臬司移覆前來本司謬議既稱舉人生員豈得岐視文武原應一體並重惟是職官之待文武舉人生員自當優其禮貌以伸士氣而在舉人生員之自處則當不人公門以自重其品望似不必較論儀注也

申飭呈報丁憂字樣

袁輔宸

看得各屬呈報丁憂其嫡親生字樣往往舛錯今奉憲批查明部文定例再行申飭本司遵查原奉部文

分疏甚明第各衙門經承既不明于字義而守令各
官亦不查明混具呈報以致駁查申覆耽延月日本
司今將稱謂字義逐一註釋子爲父母之服斬衰三
年按故明止稱父母今奉部文加稱親父親母此係
凜奉 功令合應加稱者也庶子爲所生母此係妾
生之子爲所生母亦斬衰三年今奉部文亦稱親母
不當稱生母也庶子爲嫡母此係妾生之子稱父之
正妻曰嫡母亦斬衰三年也子爲繼母爲慈父爲養
母此係母死而父娶後妻謂之繼母母死而父令別
妾撫育者謂之慈母自幼過房與人者謂之養母皆

斬衰三年也爲人後者謂伯叔父無子而過房與伯
叔父爲子者謂之所後父母今人混稱繼父繼母則
謬矣蓋爲人後則不爲已之父母後是以所後父母
斬衰三年而本生父母應降服也嫡長孫爲祖父母
及高曾祖父母有喪之日父歿則應承重然承重止
嫡長孫一人餘孫則否是以應開明有無伯祖父及
伯父之子也每見各屬申文有稱親母爲生母者是
以正母爲父妾矣有稱所後父母爲繼父繼母者是
以過房爲子之父母而誤爲父娶之後妻母嫁之後
夫矣甚至有稱嫡父生父者有稱嫡親生母者尤可

怪異凡申報丁憂之人皆兩榜及明經而守令各官
儼然民上無論六曹之事不習掌故卽一父母稱謂
之間而昧理畔義奇至于此真可唾也本司遵奉憲
批合將部文註釋明白伏候憲臺查核批示以便通
行各屬遵照可也

學政十議從祀

詳院

江南張西山諱能麟
學憲大興人

為謹輯從祀之考並陳一得之愚伏懇具題表章
以隆崇儒重道之治事竊職質鈍學疎樸魯無似荷
蒙上恩昇視三吳學政衡量文藝樹育人才而外

首宜尊道德崇孝弟顯微闡幽補前代所未備用昭
興朝一代之典如我夫子德侔天地道冠古今
自漢唐宋以來加封累贈至文宣王而象以冕旒爵
號可謂極矣有識者以為非我夫子意也祀以先
師木主萬世相安始得其正至及門之士悉去爵號
從祀宮牆自明季兵燹而後雖春秋籩豆循行故典
而本主不無散失位次不無失序本道每一瞻謁輒
為心恫爰采遺書自先師以及四配十哲東西兩
廡啓聖祠先賢先儒悉詳考其姓氏位次從祀年月
禮樂陳設輯成一書付之剞劂矣第諸賢中尙有應

躋十哲應入兩廡應與宋儒從祀而未經表章者謹
述其概如先賢有子子有宓子子賤南宮子子容原
子子思或以孝弟著論或以君子成德或以君子尚
德或懷獨行君子之德自淑淑人悉爲孔門高弟若
躋之十哲之列于宰我冉有何多讓焉蓋十哲之名
偶因從遊陳蔡而追思之豈限于十人之數耶是以
顏子升爲四配而顓孫子列焉職愚以爲此四賢者
所宜出之兩廡而躋之十哲者也若孟夫子高弟如
樂正子公都子屋廬子陳子七篇內書法悉以子稱
亦如孔門之有顏曾閔子諸人也至萬章公孫丑學

誼雖未深造而議論問答獨譎亦有功于後學者以
孟子弟子不宜從祀 孔廟則歷代先儒皆親炙
孔子者耶職愚以爲此六賢者所宜從祀兩廡先賢
之未補正從前之闕典也至于宋固多儒而范文正
公先憂後樂以天下爲己任且手授春秋于張橫渠
尤開闢閩風氣之先而義田贍族敦祖宗一本之恩
施第爲學重聖賢淵源之自至舉朝安定爲學博而
教化大行迄今遺澤流風海內欽仰獨未從祀似屬
缺典若以從祀者必有著述經傳江都昌黎亦何嘗
以傳註名耶職愚以爲此一儒者所宜從祀兩廡得

與歐陽諸子并列者也。夫前代之典禮未備，必考詳于後代。如從祀之典，漢猶未備，而唐貞觀歷政始有從祀二十二人。嗣後雖入祀罷祀不一，其請要皆期于典禮之至當而已。今我皇上崇儒重道，釋奠臨雍，開昭代文明之治，海內翕然向風，又恭遇憲臺主持名教，釐正典禮，職謹以職掌所關，仰冀俯采芻蕘，特賜具題，俾賢儒各得其位，而俎豆藉以生光，功德洽乎神人，教化風于奕葉，有裨于世道人心，非淺鮮矣。

學政十一 祀各宦

宋翰林院學士謫監處州酒稅秦少游先生入

祀名宦詳文

附原呈

處州太守周宿來華亭人

懇乞追崇名宦以昭曠典，以振頽風。事切惟盛德在人，雖千秋其不沒，流風未墜，越百世而可師。伏見故宋翰林院學士謫監處州酒稅秦少游先生，見故宋翰林院學士謫監處州酒稅秦少游先生者，淮海菁華，文章羽翮，崛起甌湖之上，論交當代之英，砥節礪行，子駿既表其賢，良博學宏詞，忠宣復高其著作，骨強體正，原非磯激膺滂，木秀林樞，忽爾倘焚京貫，至于魂消光化，屍束木皮，齒未登乎中壽，生不逮乎龍圖，固已倫類知悲，俯仰興歎。

資治新書二集卷三

三

者矣。至其監稅我處也。僦屋爲庵。汲泉作供。清池
白月影。徹晶壺。拄杖芒鞋。形參山鹿。高詠但憑竹
栢。傷心獨對鶯花。况權酷乃當年。秕政而酒漿爲
民用。亟需。既以紹述爲名。可見網羅必盡。顧此鷄
豚。手實之時。獨標茗粥。身隨之槩。豈非夏日之涼
颺。而冰天之挾纊者。與。顧乃代隔三朝。年垂六百。
馨宗廟祀。大典缺如。漢南涕淚之碑。既無見于生
前。桐鄉魚菽之薦。復不傳于身後。又何以使後來
之。召杜並慈嚴。而賈鄧我男女也。贊等自從本
朝開國之初。樂觀增修郡志之盛。竊見先生之雅

歌逸韻。已耀編摹。而先生之茂澤清風。尙虛俎豆
莫不相顧咨嗟。有懷欲吐。今幸遇各位憲臺。太宗
師。老大人。運屬維新。政成稽古。用以激濁揚清。先
於闡幽彰往。事如有待。舉不云遲。伏乞准將前賢
秦少游先生。詳入名宦崇祀。大補從前之缺略。聿
宣昭代之風醜。其有關於吏治人心。厲俗廉頑。
匪淺渺矣。

看得事有似緩而實急者。惟此風厲之機權。人有在
遠而非遙者。惟此高濂之名節。况乎口誦其詩。身被
其澤。如秦少游先生之。于是邦者乎。先生秀發江淮。

性存忠孝在蘇門居四學士之首在宋廷有六君子之名雖屢薦入官不離史席而群邪側目難免周羅獄起同文遂罹八關榜樣碑刊建禮終存千佛名經氣節文章既與洛蜀而並久几筵俎豆自堪芹藻以流芳向同朝竄逐類以阿堵相汚而此地魚豚竟其蓮花不染蓋公根深慧業識洞宗風大覺參寥舊是尋求之侶山花木葉聊供遊咏之資朝坐市區自有泥珠迴濁水夜投龕火獨將骨筆寫龍藏卽其管庫三年竟以不職論罷既不取盈苛賦可知寬郵深仁而報德崇功至今猶闕者豈不以監門之職非大賢所居遷謫之官非治行所表近者以疑而不敢遠者以久而難追歟夫元亮在縣八十日陶彭澤遂以官稱無功但求一斗酒太樂丞卽爲清職况鶯聲花影范參政亭建當年沙外柳陰陸放翁詩吟半醉高山在望豈時代之云徂蘋沼可將何神靈之勿享宜闡不溜之烈用抒懷古之情

杜推官入祀名宦詳文

周宿來

看得惠風之所披拂人物而深直道之在古今去思則永資其感慨式是儀型故處州府推官杜公諱其萌者亮節表于烏臺鴻名彰于玉節芳規顯蹟更僕

難詳。唯是筮仕。祥刑蜚聲。拔薤拂雲。峻氣挺金鐵。以
鏢推飲。葉孤標。厲冰凌。而嚴苦。清霜所凜。協氣俱流。
威不極于泥樓。法未弛夫橫挺。陂塘灌溉。人歌父母。
之慈。案牘平反。彌見春秋之癡。用使囹圄。驚動坎戶。
苦生。觀囚而聽。有鳴琴。載酒而獄無冤。氣及其牧。疲
下邑。視篆青田。借函鼎。以烹鷄。指荆栖。而集鳳。不以
攝官承乏。而生傳舍心。不以抑尊就卑。而作鄙夷色。
諷諍未疾。振飭頽波。繁不秋。茶纖幽畢。照嚴無夏日。
積廢皆興。故詎吟獨切于芝人。迺德澤尤全乎枯郡。
所以風行草偃。一時谷靜山空。蓋公以十屬爲一身。

民以百年爲一日。有由然也。事久則論定。德盛而禮
崇。襄陽墮淚之碑。不在生前。朱邑桐鄉之祀。正期身
後。合從所請。以答輿情。

學政十二 鄉賢

鄉賢沈鍊詳文

附原呈

處州太守

周宿來

諱茂源
華亭人

愆崇賢祀。以彰舊德。以勵士風。事切有先賢沈青
震諱鍊。係處州府麗水縣學。前朝嘉靖十七年。戊
戌。進士。歷官錦衣衛經歷。以疏嚴嵩十大罪。戌死。
文章節義。照耀當時。百餘年來。未有議祀鄉賢者。
前蒙太公祖十六年季試。詢及本郡有學有守。未

臚祀典之賢某等以青霞對祖臺羨歎久之伏思
表墓式廬。聖明之盛事闡幽彰往。賢達之高風
青霞陷虎口而無疑。犯龍鱗而不懼。雖鷹鷂燕雀
之逐。史冊彌昭而俎豆馨香之間。典章猶缺。祖臺
泯郡。施德于不報之地。加恩于無望之人。明忠孝
之大端。以風厲爲己任。况茲還轅欲駕。臥輒有期
無志疇昔之言。特舉久虛之祀。揚激義風于輓近
允洽輿情。扶持名節于焜蒿。教興神道。懇先將沈
青霞先生。應入鄉賢。申詳院道。其有關於國典祀
法。士習民風。誠非淺鮮。

看得正氣不磨。山川爲之震動。英才挺拔。邑里所以
光華。往代之缺祀宜崇。千秋之直道斯在。故錦衣衛
經歷沈青霞先生者。性本清剛。學成狂簡。雖居小位
每出大言。屬當天書。鳴吻之時。敢發非議。桓譚之論
劉祥刺深於障面。張彖譏切于冰山。固已威抗龍鱗
而恨銜蜜腹矣。迨乎十罪朝陳。三危夕竄。缺筭相結
橫挺交加。仰日月之冥蒙。遡風塵而遐邁。奇命朔旂
餘生寧幾。顧乃豪摠。尊酒依然。哭比長沙。興發高吟
開口罵如江。夏虎騎不下。穢激難平。用是鬼彈星飛
獸。棧夜發楊震。西亭之慘。絕塞頭行。荆軻。湛族之必

有巢卵覆雖碧化萇弘之血魂沉汨水之淵未足以
方此激昂形其悲痛者也當年束草既將甫檜同科
此日羞芹應共龍于比重今稽諸祀牒大典闕如於
歎所由僉曰先生發祥麗序家本會稽雖慷慨義聲
聽聞洋溢而武秋之後枯水無傳所以烝嘗在彼攸
崇蘋藻於茲為略耳夫國有博聞之彥東里稱仁邑
生于木之賢西河為美太白之廣漢山東兩地爭其
人物子瞻之黃州儋海到處以為美譚豈有翔步澤
宮奪奇百師鶴來華表未列瞽宗墳顯湯陰單歸自
鑄坐使少微寡色而噴雪不芳為父兄者將何以教
而為子弟者將何以學也夫事久則論定節亮而禮
崇賈逵金粟之碑不刻生前王子剖心之墓修從異
代然則遊九原而流連于隨會過大梁而慨想於夷
門洵足以激清風於萬古厲薄俗于當年者歟合從
所請用樹風聲

布衣包萬有崇祀鄉賢看語

處州
太守周宿來諱茂源
松江人

看得處士包萬有南山石隱東壁儒林聰慧本平夙
成學問自其天性出經入史體用是以兼通累月窮
年食寢為之併廢齏鹽清夢穩聞達不求松菊古心

存。藁。常。滿。董。帷。久。下。誦。讀。誼。止。張。公。十。乘。之。書。揚。草。日。玄。著。作。遂。有。呂。相。千。金。之。字。若。夫。人。堪。仰。也。而。道。足。開。來。者。惟。其。學。宗。濂。洛。是。以。有。範。數。贊。辭。等。書。可。居。奇。偶。神。明。之。列。惟。其。志。在。春。秋。是。以。有。編。年。合。錄。諸。作。直。分。知。罪。筆。削。之。權。至。其。立。社。講。學。依。然。鹿。洞。家。風。積。粟。賑。饑。一。準。常。平。故。事。孝。友。卹。任。嫺。睦。禮。經。六。行。無。虧。溫。良。敦。厚。和。平。季。野。四。時。俱。備。是。蓋。文。興。行。而。並。美。名。共。實。以。交。修。者。也。是。以。郡。邑。志。乘。三。次。授。簡。於。干。旄。而。綱。目。發。明。四。方。共。傳。其。剗。剗。然。且。山。筍。河。籍。括。羽。猶。在。蒙。求。而。縹。帙。青。緗。遺。籙。尚。存。芭。後。是。非。久。而。論。定。石。德。潛。乃。益。光。誠。足。以。組。豆。宮。墳。昭。示。來。許。以。明。闡。初。大。典。必。逮。側。微。鐘。鼓。式。靈。不。惟。卿。相。用。足。菁。莪。之。樂。育。永。垂。鄉。國。之。儀。型。者。也。

故宦高文登崇祀詳文

嘉興太守王瑞卿詳宮珠齊河人

為懇賜申詳以完盛典事據具催公呈廩增附生員吳天泰等呈稱竊惟禮先報德道在扶風哲人未安于豆登末俗奚申其激勸伏念嘉興縣故宦山東膠州知州高文登係己未進士高道素光祿寺署丞高道淳之祖庚辰進士高承埏之曾祖英裁翼治至德可師宦績兩志遺棠鄉評咸推祭酒久而論定舉者

言公某等于某年月日具呈宗師許蒙批仰府察確
報隨蒙署府事陶通判羅知縣程教授賞其粹品錫
以褒辭申候憲詳永歆祀典詎料宗師巡歷無間批
發有稽某等敢再合籲輿情仰冀詳申前牘俾卽免
祀鄉祠等情到府據此案照云據該本學教授某
訓導某勘得已故山東膠州知州高文登至孝蚤標
首節宏才繼展循猷拯活流亡古葉仁風遍滿消弭
行患膠西紅燧澄清秉直道以挂冠存慈心而濟物
嘯枯起肉目前皆夏蔭冬曦言矩行規闕外罕鷹城
大獲毫髮不干郡邑砥礪必期聖賢奉養昔親殫終

身之孺慕加恩棟蓐極畢世之孔懷請誦祀躬兒童
悉稱長者莘莘為善鄉邦咸仰吉人無意近名有餘
積慶大夫勤職則祭既久符禮典之昭垂桑梓誦賢
則思實靡諉秉懿之攸好髦譽之僉呈允惟宮牆之
侑祀應申牒覆前來准此隨該本縣知縣羅炳燦勘
得本宦孝友格天芳徽表世詣固因而代父至性獨
泣鬼神任凋瘵而敦仁弘澤兩歌棠芾焦心營職在
仕路已為蹇蹇之玉臣抗志拂衣迨居鄉更屬孳孳
之吉士篤孔懷于同氣盡瘁而偏若餘甘讓貽產于
連枝守瘠而初無改樂絕鮮豪婢僕戶庭門闥之肅

如多賧卹交遊里巷鄉邦之誦德忠敬孝慈與信百
行無疵聲色貨利紛華纖塵不染五馬而生推祭酒
百年逾譽頌口碑謳思夙切乎輿情俎豆宜申乎崇
祀取其各該結狀見在呈乞轉詳等因到府據此隨
該署府事陶通判覆看得本宦孝追古昔行匹先良
居家著奇節貞操作吏溥深仁厚澤古葉行春花映
篆無誇漢室循良膠西勺水激文平何數周詩愷悌
抗直而急流勇退懷慈而振稿嗑枯禹鈞急難之風
傾貲不悔師德自乾之斐夙鄒無留捐廉俸以卹族
人割腴產而先猶子言動可師可法鄉邦愈久愈思

亟宜崇祀于馨宗用以彰明乎公道等因具繇于某
年月日呈詳未示今據具催申詳等情隨該本府王
知府覆勘無異合再呈云須至牒呈者

前事批詳

兩浙王園長 諱應華 東莞人 文宗

看得改宦高文登人倫師表理學淵源至孝堪泣鬼
神素心無慚天日締符郡邑春風隨地流膏拂袖家
園秋月滿庭如水年高而德彌邵身隱而道愈尊讓
產推甘孔懷誼切倒囊振厄利物仁深善狀弗絕於
口碑遺躅久光乎閭史宜列宮牆之俎豆永為鄉國
之儀型仰府擇吉寘主送入鄉賢祠崇祀繳

學政十三 庶務

恤錄忠臣後裔

溧水縣令徐德夫 諱必達 嘉興人

為欽遵明詔。憐錄忠裔事。據本縣齊承恩呈為某事。等因到縣。案查本縣先為學租事。該知縣某以齊承恩志行不類。墮其家聲。先忠臣有知必不願私此不肖子為祀典羞也。葺其衣巾。奪其祭田。何辭之與有。原田二十二畝。既經本縣據法申奪。又經本縣緣情給佃。乃承恩不知體情奉法。致三年應納學租無顆粒完者。使其委屬。故違罪將安宥。但查承恩一貧徹骨。四壁蕭條。避年所收花利。止以救死不贍。遂致負

欠事出無奈。情非故違。况其避年應領。每月學租六斗。俱不敢赴領。則其情更可原也。若必一併追徵。勢必立而待斃。夫忠臣之後。回將十世。育之倘承恩以追租之故。一旦成溝中瘠。合先忠臣一綫之脉。此日斬焉木院。所甚隱也。合無請將某年至某年。以彼應還田稅。卽以彼應領學租。扣抵外。其餘盡從蠲免。自今以後。除衣巾聽其子長成。另議外。原田二十二畝。姑准仍賜給領。非敢為不肖子乞恩。實為先忠臣延一綫也。

申報事

衡州王望如 諱仕雲 江寧人

看得陳生之駮雖非蓋代驚才固亦有攸之翹楚也
 乃囊螢映雪曾無夜讀之膏時竈釜塵難繼晨炊之
 火將欲乘風壯志終為交謫心傷所以邀游長郡籲
 叩軍門欣逢憲臺老大人作興泮壁獎廟黌官如昌
 黎之造潮人皆知學似文翁之化蜀儒盡明經鑒彼
 上書之情卽申義學之命卑職面試二次堅其淬勵
 之心錫以伍金寬其瓶罍之耻今者拜惠南還祠卽
 草編就學憲臺憐才好士媲美古人卑職將載筆而
 磨作人之詩矣

